

2020



RAPORTI TREMUJOR I PUNËS DREJTORIA PËR URBANIZËM PLANIFIKIM DHE MBROJTJE TË MJEDISIT

REPUBLIKA E KOSOVËS
REPUBLIKA KOSOVA
KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu
-III- Nr. I prot. 1300 Më 10.04.2020
Br. prot. 10.04.2020
RAHOVEC - ORAHOVAC

JANAR – MARS 2020

KOMUNA RAHOVEC

DREJTORIA PËR URBANIZËM, PLANIFIKIM DHE MBROJTJE TË MJEDISIT

Në fillim të vitit 2020, Drejtoria për Urbanizëm, Planifikim dhe Mbrojtje të Mjedisit ka publikuar planin vjetor të punës, në të cilën është bazuar edhe në punën e bërë në tremujorin e parë për të cilën do të raportohet në këtë raport pune për muajt; janar, shkurt dhe mars.

Aktivitetet në periudhën: janar, shkurt, mars

Pas miratimit të buxhetit për vitin 2020 nga Kuvendi Komunal i Rahovecit, Drejtoria për Urbanizëm ka përgatitur materialin për shpalljen e procedurave të tenderimit publik për hartimin e projekteve të ndryshme të Komunës së Rahovecit, procedura momentalisht është në fazën e pranimi të ofertave nga operatorët ekonomik dhe vlerësimit të këtyre ofertave.

Poashtu, janë pranuar detyra projektuese për projekte të reja në komunën e Rahovecit, siç janë: Qendra e Mjekësisë Familjare në Oplotushë, Mbulimi i pllatosë ku zhvillohet festivali “Anadrinia Jehon”, shtigje të ecjes etj.

Kanë vazhduar aktivitetet dhe takimet me kompanitë konsulente për hartimin e Planit Zhvillimor dhe Hartës Zonale të Komunës së Rahovecit. Plani Zhvillimor është në prag të finalizimit dhe pritet që në tremujorin e dytë të këtij viti të dërgohet në Kuvend, fillimisht për marrjen e aprovimit për shqyrtim publik dhe pastaj për aprovim, ndërkaq rreth hartimit të Hartës Zonale është pranuar drafti i parë i gjendjes ekzistuese dhe puna është duke vazhduar sipas planit të paraqitur në kontratë.

Plani Lokal i Veprimi në Mjedis, plan mjedisor që është hartuar për herë të parë në Komunën e Rahovecit, pasi është dalë në shqyrtim publik me lejen e Kuvendit të Komunës së Rahovecit është miratuar në seancën e marsit të Kuvendit Komunal Rahovec.

Procesi i trajtimit të objekteve pa leje në Komunën e Rahovecit është duke vazhduar, janë pranuar kërkesa të shumta nga qytetarët për t'i legalizuar objektet e tyre, lëndët po shqyrtohen me kujdes, disa prej kërkesave janë futur në listën e pritjes për legalizim, pasi kështu është përcaktuar me ligjin për trajtimin e objekteve pa leje, pasi këto objekte janë të ndërtuara në tokë jo-ndërtimore apo për arsye tjera që përcaktojnë futjen në listën e pritjes, ndërkaq janë legalizuar objektet që i kanë plotësuar dhe i kanë përmbushur të gjitha kriteret për legalizim.

Ecuria e realizimit të projekteve kapitale

- Bashkë me UN-Habitat kemi vazhduar procesin e planifikimit dhe shpalljes së konkursit ndërkombëtar për hartimin e projektit ideor të sheshit qendror të qytetit në Rahovec. Sipas marrëveshjes që kemi lidhur me këtë organizatë të specializuar të Kombeve të Bashkuara, planifikuesit urban janë vendosur në zyrat e Drejtorisë së Urbanizimit dhe në bashkëpunim me ta kemi përfunduar një pjesë të konsiderueshme të punëve të parapara, janë përfunduar matjet gjeodezike, është formuar ekipi komunal për planifikim, me vendim të Kryetarit, janë mbledhur të dhëna të pjesës ku planifikohet të ndërtohet sheshi, janë marrë informata gjeodezike dhe

kadastrale, janë shpallur disa pjesë me vendim të Kuvendit Komunal, në interes publik për ndërtimin e sheshit, është bërë plani për mbajtjen e diskutimeve publike në fund të marsit, mirëpo për shkak të masave të Qeverisë së Kosovës për mbrojtjen nga Virusi Corona, janë shtyrë në një afat të papërcaktuar diskutimet me qytetarë.

- Projekti i ndërtimit të tetë parqeve në Komunën e Rahovecit ka vazhduar edhe në këtë fillimvit, ka vazhduar ndërtimi i parkut në Sopniq, në Pataqan të Poshtëm, në Malësi të Vogël, në Dobidol dhe ndërtimi i oborrit të shtëpisë së fshatit në Senoc. Do të vazhdohet edhe me ndërtimin e parqeve në Celinë, Zogisht dhe Ratkoc.
- Ndërtimi i kullës prej guri për heronjtë Xhelal Hajda – Toni dhe Selajdin Mullabazi – Mici të vendi i rënies mbi fshatin Operushë, ka vazhduar ndërtimi i objektit, momentalisht janë ndërprerë punimet për shkak të pandemisë së Virusit Corona, operatori ekonomik e ka të vështirësuar furnizimin me material ndërtimor.
- Ndërtimi i shtatores për heroin Feim Gashi është në përfundim, tani po bëhet shkrirja në bronz, është planifikuar në prill të vendoset së bashku me shtatoren e heroit vëllait të Feimit, Bedrush Gashi, në qendër të fshatit Drenoc. Nëse do të lejohen tubime atëherë Drejtoria për Urbanizëm, Planifikim dhe Mbrojtje të Mjedisit si menaxhuese e këtij projekti së bashku me operatorin e kontraktuar ekonomik do të jenë të gatshëm ta vendosin me kohë shtatore të heronjtë Bedrush e Feim Gashi.
- Është në fazën e projektimit projekti për ndërtimin e varrezave të deshmoreve dhe martirëve në fshatin Celinë si dhe rregullimin e renovimin e të gjitha pllakave, përmendoreve, pllatove, rrethojave të vend rënies në komunën e Rahovecit. Pas përfundimit të hartimit të projektit do të nisim procedurat publike për lidhjen e kontratës.

Rumir Zhuniqi



Drejtori i DUPMM-së